



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o izmjenama Odluke o davanju saglasnosti gradonačelnici Grada Sarajeva za
davanje na poklon Ostrva mobilnosti KJP Centru „Skenderija” d.o.o. Sarajevo i JP
„Olimpijskom bazenu Otoka” d.o.o. Sarajevo, nabavljenog u okviru projekta
TRIBUTE finansiranog iz EU Interreg Programa
(Prijedlog)

Predlagač: Gradonačelnik
Obrađivač: Gradska služba za održivi razvoj

Sarajevo, februar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 13. Zakona o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj 15/21) i člana 31. stav (1) tačka b) i tačka k) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2025. godine, donijelo je

(Prijedlog)

Odluku

o izmjenama Odluke o davanju saglasnosti gradonačelnici Grada Sarajeva za davanje na poklon Ostrva mobilnosti KJP Centru „Skenderija“ d.o.o. Sarajevo i JP „Olimpijskom bazenu Otoka“ d.o.o. Sarajevo, nabavljenog u okviru projekta TRIBUTE finansiranog iz EU Interreg Programa

Član 1.

(Izmjena člana 1.)

U Odluci o davanju saglasnosti gradonačelnici Grada Sarajeva za davanje na poklon Ostrva mobilnosti KJP Centru „Skenderija“ d.o.o. Sarajevo i JP „Olimpijskom bazenu Otoka“ d.o.o. Sarajevo, nabavljenog u okviru projekta TRIBUTE finansiranog iz EU Interreg Programa („Službene novine Kantona Sarajevo“, broj 43/24), član 1. mijenja se tako što se iznos „52.900,00 KM“ zamjenjuje iznosom „63.770,00 KM“ te u nastavku dodaju riječi „umanjenom za vrijednost amortizacije do trenutka vršenja primopredaje krajnjem korisniku“.

Član 2.

(Izmjena člana 2.)

U članu 2. iza riječi „solarima“ briše se veznik „i“, dodaje zarez, te nakon riječi „romobila“ dodaju riječi „i ostali popratni elementi“.

Član 3.

(Izmjena člana 3.)

U članu 3. iza riječi „klupe“ dodaju se riječi „i ostali popratni elementi“, te se iznos „31.650,00 KM“ zamjenjuje iznosom „36.520 KM“ te u nastavku dodaju riječi „umanjenom za vrijednost amortizacije do trenutka vršenja primopredaje krajnjem korisniku“.

Član 4.

(Izmjena člana 4.)

U članu 4. iza riječi „Basic“ dodaju se riječi „i ostali popratni elementi“, te se iznos „21.250,00 KM“ zamjenjuje iznosom „27.250 KM“ te u nastavku dodaju riječi „umanjenom za vrijednost amortizacije do trenutka vršenja primopredaje krajnjem korisniku“.

Član 5.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2025. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) i tačka k) Statuta Grada Sarajeva („Službene novine Kantona Sarajevo“, broj 7/23) kojima je propisano da Gradsko vijeće upravlja i raspolaže imovinom Grada Sarajeva, te donosi odluke, propise i opće akte i daje njihovo tumačenje, kao i u članu 13. Zakona o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj 15/21) kojim je propisan način kontrole knjigovodstvenih isprava.

RAZLOZI DONOŠENJA

Projekat TRIBUTE – „inTegRated and Innovative actions for sustainaBle Urban mobiliTy upgrade“ finansiran je iz Interreg Adrion Programa ukupne vrijednosti 3.269.400,00 EUR/6.394.390,60 KM, od čega je za aktivnosti Grada Sarajeva predviđeno 150.000,00 EUR/293.374,50 KM. Projekat je implementiran u periodu 01.01.2021.-30.09.2023. godine.

Jedna od aktivnosti projekta TRIBUTE je uspostava Ostrva mobilnosti koje predstavlja fizičko mjesto koje služi diskretnim potrebama lokaliteta unutar kojeg se nalazi.

Ostrvo mobilnosti postavljeno je na dvije lokacije, i to plato Skenderija i plato ispred Olimpijskog bazena Otoka.

Nabavna vrijednost Ostrva mobilnosti na ove dvije lokacije, sa svim pratećim elementima, iznosi 63.770,00 KM i finansirana je kroz projekat.

Gradska služba finansija je tokom primjene Odluke o davanju saglasnosti gradonačelnici Grada Sarajeva za davanje na poklon Ostrva mobilnosti KJP Centru „Skenderija“ d.o.o. Sarajevo i JP „Olimpijskom bazenu Otoka“ d.o.o. Sarajevo, nabavljenog u okviru projekta TRIBUTE finansiranog iz EU Interreg Programa („Službene novine Kantona Sarajevo“, broj 43/24), ukazala na potrebu za izmjenom iznosa navedenih u Odluci. Prilikom unosa ostrva mobilnosti u stalna sredstva Grada evidentirani su iznosi drugačiji od onih navedenih u Odluci. Također, Gradska služba finansija je ukazala na potrebu obračunavanja amortizacije za period na koji su sredstva evidentirana u stalnim sredstvima Grada do trenutka njihovog poklanjanja krajnjem korisniku.

Iz tih razloga bilo je nužno pristupiti izmjeni predmetne Odluke kako bi se osiguralo postupanje u skladu s važećim zakonskim propisima.

FINANSIJSKA SREDSTVA

Za realizaciju ove odluke nisu potrebna finansijska sredstva.